

LEVÍTICO

(Lebítanüxüarü puracüchiga)

Āmaregüarü guchicaxüchiga

1 ¹Rü nüma ga Cori ya Tupana rü napatawa Moichéçax naca, rü ñanagürü nüxü: ²—iĒcū namaxā nüxü ixu i ngēma Iraétanüxügü rü ngēxguma texé āmare choxna āxgu rü name nixī i tümaarütama wocagüwa rüçxna tümaarütama carnérugüwa choxna tanamu! ³Rü ngēma tümaarü āmare i tümaxünatama ixixü rü woca iyatüxü i taxuwama chixexü tá nixī. Rü ngēma nax tüxü namaxā chataāxēxüçax rü chopataāxtüwa ngēxmaxü i guchicaxüwa tá nixī i itayaguxü. ⁴Rü naerugu tá nixī i taxúmexü nax tüxü chanayaxuxüçax i ngēma tümaarü āmare, rü tüxü nüxü icharüngümaxüçax i tümaarü chixexügü. ⁵Rü ngēma woca i yatüxü rü chopexegu tá nixī i tayawiyenaaxü. Rü ngēma Aróü nanegü i chacherdótegü tá nixī i choxna naxuaxügüxü ya yimá nagü. Rü ngēma chopataarü iāxtüwa ngēxmaxü i guchicaxü rü yimá nagümaxā tá nanamaxcuetü rü tá inanamaxcuegu. ⁶Rü yimá chacherdóte ya chauxçax yagucü i ngēma āmare rü tá

nanacauxchaxmüxü i ngēma naxüna rü tá nanachexügü. ⁷Rü ngēma chacherdótegü tá nixī i yanaixēēgüxü ya üxü nawa i ngēma guchicaxü. ⁸Rü yima üxüwa tá nixī i ínaguxü i ngēma naxünaarü chexügüxü rü naeru rü ngēma naünütaarü chíxü. ⁹Rü yíxema chauxçax ínaguxe i ngēma namachi rü name nixī i meama dexámaxā tayayauxgüxü i naünüta rü naparagü. Rü nüma ya chacherdóte rü ngēma guchicaxüwa tá ínanagu i guxüma nax choma namaxā chataāxēxüçax i ngēma naema i ngēma āmare —ñanagürü ga Cori ya Tupana.
.....

Chixexügüarü ütanüruxü i āmaregü

6 ¹Rü nüma ga Cori ya Tupana rü Moichémaxā nidexa rü ñanagürü nüxü: ²—Ngēxguma texé chopexewa chixexü üxgux rü wüxi i taxewa tümamücüxü tawomüxēēxgux, rüçxna wüxi i diēru i tümamücü tüxü namaxā nguxüxēēxüçax tümamücüxü tawomüxēēxgux, rü chixexü taxü. Rü ngēxgumarüxü ta ega texé tümamücüxütawa taxacüçax tangixgu,

rüexna taxacüçax tüxü tachixewegu nax tüxna tanaxäxüçax rü ñuxüchi tama tanatæguxëegu, rü chixexü taxü. ³Rü ngëxgumarüxü ta ega texé wüxi i toxguäxarü ngëmaxü i iyarütaxuxü itayangauxgux rü itayacuxgu rü ñuxüchi nüxü tixuxgu nax tama nüxü itayangauxü, rü chixexü taxü. Rü ngëxgumarüxü ta ega natüçaxma tümamücümaxä itaxunetagu natürü tama tayanguxëegu i ngëma nüxü tixuxü, rü chixexü taxü. ⁴⁻⁵Rü ngëmacax ega texé ngëmaäcü chixexü üxgux, rü tá tanawoeguxëxë i guxüma i ngëma naxçax tangixü, rü ngëma toxguäxna tanapuxü, rü ngëma wüxi i taxewa tümamücüxü tawomüxëxü, rü ngëma iyarütaxuxü i nüxü itayangauxü, rü ngëma womüxëëäcü tayaxuxü. Rü naétü i ngëma naxçax tangixü rü tá norü yorana tanaxä i ngëma naxçax tangixüarü yexera, rü ngëmaäcü ñuxüchi chopexewa tá tanaga i tümaxüna i tümäärü chixexüçax choxna tayamuxü. ⁶Rü ngëma tümaxüna i chauxçax timáxü rü tanaxwaxe i wüxi i carnéru i taxuwama nañuxraxüxü nixí. Rü cumax, Pa Moichéx, rü tá cunangugü nax nañuxraxüxü i tümäärü chixexü rü ngoxi tümaxüna i cuxütawa tagaxü rü marü tümäärü chixexütanügu name. Rü ngëma naxüna rü tümaxünatanüwa tá nixí i tanayaxuxü rü chacherdótxütawa tanagaxü nax chopexewa tümäärü chixexüçax tayaguxü. ⁷Rü ngëmaäcü ya yimá chacherdóte rü tá choxna nachogü nax tüxü nüxü icharüngümaxüçax i tümäärü chixexü. Rü choma rü aixcuma tá tüxü nüxü icharüngüma —ñanagürü ga Cori ya Tupana.

**Ucuxë nax ñuxäcü yagugüäxü
i ngëma ämaregü**

⁸Rü nüma ga Cori ya Tupana rü Moichémaxä nidexa rü ñanagürü nüxü: ⁹—iAróümaxä rü nanegümaxä nüxü ixu nax ñuxäcü tá yagugüäxü i ngëma naxünagü i chauxçax nadaixü! iRü ngëma naxünagü i yagugüxü rü guxüma i ngëma chütaxü rü ngëma ämarearü guchicaxüarü äxwe ya naicüétügu nananu nax ngëxma yaxaexüçax! ¹⁰Rü moxüäcü paxmama rü nüma ya chacherdóte rü tá nicuxcuchi i naxchiru i línuchinaxçax rü natüüchiru i ngëmarüütama ixixü. Rü ngëmawena rü ngëma guchicaxüwa tá nanayaxu i ngëma naxünaarü tanimaca, rü ngëma ämarearü guchicaxücwagu tá nanagütaquexe. ¹¹Rü ngëmawena rü tá ínacuxuchi rü to i naxchirugu tá nicux. Rü ngëmaäcü wüxi i nachica i mexü i íanearü íxpemawa tá nayagü ya yimá tanimaca. ¹²Rü yima üxü ya ngëma naxünaarü guchicaxüwa naixüne rü tama name nax yaxoxü. Rü nüma ya chacherdóte rü nanaxwaxe nax naxüxüxüäxü i guxüma i paxmama. Rü ngëxma üxüétügu tá nanaxünagü i ngëma naxüna i tá yaguxü. Rü ngëxgumarüxü ta rü ngëma tá nayagu i norü chíxü i ngëma naxünagü i duüxügü choxna äxü nax namaxä icharüngüxmüxüçax. ¹³Rü ngëmaäcü ya yima üxü i ämarearü guchicaxüwa naixüne rü tagutáma peyaxoxëxë —ñanagürü ga Cori ya Tupana.

.....

**Moiché rü duũxũgũpexewa
chĩxũmaxã Aróũxũ nabaeru**

8 ¹Rü nüma ga Cori ya Tupana rü Moichémaxã nidexa rü ñanagürü:
²—ĩĒcũ naxcãx naca ya Aróũ rü nanegũ!
ĩRü nanutaquexẽ i ngẽma
chacherdótegũchiru, rü ngẽma chĩxũ i
baeruruxũ, rü ngẽma wocaxacũ i yatĩxũ
i chixexũarũ ütãnũcãx imáxũ, rü ngẽma
taxre i carnérugũ rü yimá pexchi i paũ i
ngearũ pũxẽerũũáxũ nãgu nũcũ! ³ĩRü
ñũxũchi chopataãxtũarũ ücuchicagu
nangutaquexexẽxẽ i guxũma i duũxũgũ!
—ñanagürũ ga Tupana. ⁴Rü nüma ga
Moiché rü nanaxũ ga yema Cori ya
Tupana nüxũ ixuxũ. Rü nümagũ ga
duũxũgũ rü guma Tupanapataãxtũarũ
ücuchicagu nangutaquexegũ. ⁵Rü nüma
ga Moiché rü ñanagürũ duũxũgũxũ:
—Ñaa i ñũxma tá chaxũxũ nixĩ i ngẽma
Tupana choxũ muxũ nax chanaxũxũ
—ñanagürũ. ⁶Rü nüma ga Moiché rü
Aróũcãx rü nanegũcãx naca rü
Tupanapexewa dexámaxã nayayauxgũ.
⁷Rü yemawena rü wũxi ga mãxpãxũ ga
naxchirugu Aróũxũ nicũxcuchi rü mea
nayachota ga norũ goyexũ. Rü
nayacũxcuchi ga yema düxétũwa üxũ ga
naxchiru. Rü yemaétũwa nayacũxcuchi
ga naxchiru ga nuxũxũ ga ngechacũxũ
ga línuchinaxcãx. Rü yema rü meama
nayagota norũ goyexũmaxãtama. ⁸Rü
ñũxũchi nayangãxcuchi ga yema norũ
türemũxũ. Rü yema norũ türemũxũarũ
chocagu nananuxcu ga guma nutagũ ga
Urĩũ rü Tumĩũ. ⁹Rü ñũxũchi
nayangãxcuchipãtẽxẽ. Rü yema
napãtẽxecatũwa nayaxũcuchi ga wũxi
ga úiru ga botachinũxũ ga nawa nüxũ

nacuãxgũxũ nax chacherdótegũarũ
ãẽxgacũ yixĩxũ, yerũ yemaacũ nixĩ ga
Cori ya Tupana ga Moichéxũ namuxũ.
¹⁰Rü yemawena rü nüma ga Moiché rü
nanayaxu ga yema chĩxũ ga baeruruxũ
rü nanamãxcuétũ ga guma Tupanapata
rü norũ yemaxũgũ nax yemaacũ
Tupanacãxicatama yaxĩgũxũcãx. ¹¹Rü
yematama chĩxũmaxã nanamãxcu 7
expũxcũna ga yema ãmaregũarũ
guchicaxũ. Rü ñũxũchi yema chĩxũmaxã
nanabaétũ ga yema ãmaregũarũ
guchicaxũ, rü guxũma ga norũ
yemaxũgũ, rü guma bachĩa ga
yãuxmẽxũpãxũ. Rü yemaacũ
Tupanacãxicatama nayaxĩgũxẽxẽ. ¹²Rü
ñũxũchi ga Moiché rü Aróũerugu
nanaba ga yema chĩxũ, rü yemaacũ
Tupanaarũ puracũcãx nüxũ naxuneta.
.....

Nadãx rü Abiúarũ chixexũ

10 ¹Natürũ Aróũ nanegũ ga Nadãx
rü Abiú rü wũxichigũ nanayaxu
ga noxrütama áxwepãũ. Rü
ngexcürũcũmare ga áxwe ga tama
Tupana naxwãxecũmaxã nanaxũãcugũ.
Rü guma áxweétũga nanagũ ga norũ
pumáratẽxẽ rü ñũxũchi Tupanapexewa
nanangegũ nax yemamaxã nüxũ
yacuãxũgũxũcãx. Rü yemaacũ tama
nayanguxẽgũ ga yema Tupana namaxã
nüxũ ixuxũ. ²Rü yemacãx Tupanaxũtawã
ínaxũxũ ga üxũema ga ínaguxũ. Rü
Tupanapẽxegu nayue. ³Rü nüma ga
Moiché rü Aróũxũ ñanagürũ: —Ñaachiga
nixĩ ga yema Cori ya Tupana nüxũ ixuxũ
ga yexguma ñãxgux: “Rü yĩxema choxna
ngaicamachaũxẽ rü choma rü tá tüxũ
chanawẽx nax aixcũma chaxũünexũ. Rü

guxûma i Iraétanüxüğüpexewa tá ichanawex i chorü pora”, ñaxgu —ñanagürü ga Moiché. Rü nüma ga Aróü rü yéma nangeaxmare. ⁴Rü ñuxüchi nüma ga Moiché rü naxçax naca ga Michaé rü Echápá ga Aróü nanepü ga Uchié nanegü, rü ñanagürü nüxü: —iYéa Tupanapatawa ípeyadaux i ngëma petanüxüğü rü peyato i naxünegü! iRü ñanearü íxpemagu peyataxgü! —ñanagürü. ⁵Rü nümagü ga Michaé rü Echápá rü yéma naxí, rü yema naxchirugümaxátama nananuquegü. Rü yemaacü nayato ga naxünegü rü nayataxgü, yema Moiché namaxá nüxü ixuxürüxü.

Chacherdótegüarü puracüchiga

⁶Rü yemawena ga Moiché rü nayaxucuxë ga Aróü rü nanegü ga Ereachá rü Itamá rü ñanagürü: —iTaxütáma pegü pexixerugüxëxë rü pegüchirugu pegáugüe nax ngëmaacü ipenawéxüçax i perü ngechaü naxçax i ngëma yuexü! Erü ngëxguma ngëmaacü penaxüxgux rü ngürüächí pema rü tá ta peyue rü guxütáma i duüxügümaxá tá nanu ya Tupana. Natürü name nax guxüma i ngëma togü i Iraétanüxüğü naxçax naxauxexü i ngëma taxre i norü chixexügüga Cori ya Tupana daixü. ⁷Natürü i pemax i chacherdótegü nax pixígüxü irü taxütáma nüxna pixígachi ya yima Tupanapata nax tama peyuexüçax! Erü pema rü woetama Tupanaarü puracüçax pexü naxuneta, rü yemacax chíxü i üünexümaxá pexü chibaeru —ñanagürü ga Moiché. Rü yema Moiché namaxá nüxü ixuxüäcü nanaxügü. ⁸⁻⁹Rü yemawena ga nüma ga Cori ya Tupana rü

nüxí Aróümaxá nidexa rü ñanagürü nüxü: —Ngëxguma cuma rüexna cunegü ngëxma chopatagu pechocüxgux rü tama name ya bínu ya ngücü rüexna taxacü i to i ngüxü pixaxgü. Rü ñaa pemaxá nüxü chixuxü, rü ngëma nixí i wüxi i mu i guxügutáma nagu pexíxü i cuma rü cunegü rü cutaagü. ¹⁰⁻¹¹Rü penaxwaxe i nüxü pecuax i ngëma aixcüma üünexü rü ngëma tama üünexü, rü ngëma aixcüma mexü rü ngëma tama mexü. Rü ngëmaacü tá meama penangüexëxë i duüxügü nax nagu naxíxü i guxüma i chorü mugü i Moichéwa pemaxá nüxü chixuxü —ñanagürü ga Tupana.

Naxünagü i mexü rü naxünagü i tama mexü nax nangóxü

11 ¹Rü nüma ga Cori ya Tupana rü Moichémaxá rü Aróümaxá nidexa rü ñanagürü nüxü: ²⁻³—iNamaxá nüxü pixu i ngëma Iraétanüxüğü rü marü name i nanangóxgü i guxüma i naxünagü i wenaxarü iyóxmüwemügüxü rü taxrepatüxü! ⁴Natürü ngëma naxünagü i wena iyóxmüwemügüxü natürü tama taxrepatüxü irü taxütáma penangóx! Rü ngëxgumarüxü ta i ngëma naxünagü i taxrepatüxü natürü tama wena iyóxmüwemügüxü irü taxütáma penangóx! Rü ngëmacax i ngëma caméyu rü woo wena niyóxmüwemü natürü taxütáma penangóx, erü tama nataxrepatü. Rü ngëma rü wüxi i naxüna i tama mexü nixí nax nangóxü. ⁵Rü ngëxgumarüxü i ngëma naxüna i teyóü. Rü ngëma rü wena niyóxmüwemü natürü tama nataxrepatü rü ngëmacax tama naxüna i ngóxwa mexü nixí. ⁶Rü

ngëxgumarüxü i ngëma naxüna i conejo
 rü wena niyóxmüwemü natürü tama
 nataxrepatü. Rü ngëmacax wüxi i naxüna
 i tama mexü nixi nax nangóxü. ⁷Rü
 ngëxgumarüxü i cuchi rü woo
 nataxrepatü natürü tama wena
 niyóxmüwemü rü ngëmacax tama name
 nax nangóxü. ⁸iRü taxütáma penangóx i
 ngëma naxünagü i chachuxuxü, rü bai
 nüxü pingógümare ega nayuxgux! Erü
 naxüna i tama mexü nixigü nax
 penangóxü. ⁹Rü natanüwa i ngëma
 choxnigü i dexáwa maxëxü i márwa
 rüexna natügüwa rü tá penangóx i ngëma
 äpexátücaxwegüxü rü ächicuxü.
¹⁰Natürü ngëma choxnigü i
 ngexpexátücaxwegüxü rü ngechicugüxü
 irü taxütáma penangóx ega woo márcüäx
 yixigu, rüexna natügücüäx yixigu, rüexna
 choxni i íxraxü yixigu, rüexna choxni i
 taxü yixigu, rü taxütáma penangóx! ¹¹iRü
 taxütáma penangóx i ngëma choxnigü i
 ngexpexátücaxwegüxü rü ngechicugüxü
 erü choxni i tama ngóxwa mexü nixigü!
 Rü ngëxguma nayuxgu irü taxütáma
 nüxü pingógü erü naxäüächi! ¹²Rü
 ngëmaäcü i guxüma i ngëma dexáwa
 maxëxü i ngexpexátücaxwegüxü rü
 ngechicugüxü irü taxütáma penangóx!
¹³Rü ngëma werigütanüwa irü taxütáma
 penangóx i ngëma ýü rü dawü, rü dawü
 i márcüäx! —ñanagürü.

.....

**Ngunexü i nagu ínaguxü i ämaregü i
 chixexüarü ütanüruüchiga**

16 ²Rü Cori ya Tupana rü
 ñanagürü Moichéxü:
 —iNamaxä nüxü ixu ya cuenexë ya
 Aróü rü tama name i ngexürüxü i

ngunexügumare nixücu nagu i ngëma
 nachica i üünexü i tüyemachiücaxwena
 ngëxmaxü rü bai nüxna nangaicama i
 ngëma baúátaxü nax tama nayuxücax!
 Erü choma rü ngëma baúátäüétüwa tá
 changexma i ngëma caixanexüwa. ³Rü
 nüma ya Aróü rü name nixi i wüxi i
 wocaxacü i yatüxümaxä ngëxma
 chopataäxtügu naxücu nax ngëxma
 yamáaxücax noxrütama chixexütanü.
 Rü ngëxgumarüxü tá ta ngëma nanaga i
 wüxi i carnéru nax chaüxcax
 yaguaxücax. ⁴Natürü naxüpa nax
 ngëxma naxücuxü rü name nixi i
 naxaiyaxíra rü nagu nicux i naxchiru
 imáxpaxü i línuchinaxcax i woetama
 ngëmacax ixixü, rü ngëma natüüchiru i
 línuchinaxcax. Rü tá nügü nigoye rü
 nayangaxcuchi i napatexe i
 línuchinaxcax. Erü ngëma nixi i
 naxchirugü i woetama ngëmaruxü
 ixigüxü. ⁵Rü ngëma
 Iraétanüxügütanüwa rü taxre i
 chfbuxacü tá niyaxu, rü ngëma tá nixi i
 duüxügüarü pecáducax choxna namuxü.
 Rü ngëxgumarüxü tá ta ngëma nanaga i
 wüxi i carnéru nax ngëma yaguaxücax.

.....

¹¹⁻¹²Rü nüma ya Aróü rü tá chaüxcax
 nayagu i ngëma wocaxacü i noxrütama
 chixexüarü ütanüruxü nax nüxü nüxü
 icharüngümaxücax i noxrütama rü
 napatacüäxarü chixexügü. Rü nüxüchi
 nüma ya Aróü rü naxünaarü guchicaxüwa
 tá nanayaxu ya äxwe ya naicü rü
 yimamaxä tá nanaxüäcu i ngëma
 pumáratexearü guruxüpáü. Rü naétü tá
 nanayaxu i taxreäcumexë i pumáratexe i
 yixichixü. Rü ngëmamaxä tá
 tüyemachiücaxwegu naxücu. ¹³Rü ngëma

pumáratexe rü tá chopexewa nayagu nax ngêma norü caxixü i ngêma pumára rü ngêma baúataüétügu nacaixnagüxüçax. Rü ngêmaäcü tá nixi i taxútama nayuxü ya Aróü. ¹⁴Rü yimá nagü i ngêma wocaxacü rü tá íxracü ngêma nanange rü naxmexmaxá tátama yimá nagümaxá nanamaxcuétü i ngêma naxátaxü i ngêma baú i norü tügüneciwawaama. Rü ñuxüchi tá nanamaxcuétü i 7 expüxcüna i ngêma naxátaüpepexewaama. ¹⁵Rü ngêma wena rü tá nayamax i ngêma chíbu i duüxügüarü chixexütanü ixixü. Rü yimá nagü rü tá ngêma tüyemachiüçaxwena nanange. Rü ngêma aixepewa rü yimá nagümaxá tá nanamaxcuétü rü nanamaxcupexe i ngêma baúataü ngêma wocaxacügümaxá namaxcuäxürüxü. ¹⁶Rü ngêmaäcü tá nixi i Aróü ngêma nachica i üünexüwa iyanaxoxëäxü i ngêma chixexügü i Iraétanüxügü nagu maxëxü rü ngêma nax tama chauga naxñüexü, rü guxüma i ngêma togü i chixexü i naxügüxü. Rü ngêmaäcü tátama nixi i chopexewa namexëäxü ya yima chopata i duüxügüpataarü ngäxütanüwa ngexmane.

.....

²⁰Rü ngëxguma Aróü chopexewa marü namexëëgu i ngêma nachica i üünexü rü yima chopata rü ngêma ãmarearü guchicaxü, rü ngëxgumawena tá wüxíexü namu nax yagaaxüçax i ngêma chíbu i maxüxü. ²¹Rü ngêma chíbuerugu nanuxmexäcüma tá nüxü nixu i guxüma i ngêma Iraétanüxügüarü chixexügü, rü norü nuxwaxegü, rü norü pecádugü. Rü ngêmaäcü tá ngêma chíbuwa tá nayaxüächü i guxüma i ngêma duüxügüarü chixexügü. Rü

ngêma wena rü tá nüxü naxuneta i wüxi i duüxü nax ínachianexüwa yataäxüçax i ngêma chíbu. ²²Rü ngëxguma ngêma chianexügu yanataxuxgu, rü ngêma chíbu rü tá nayange i guxüma i Iraétanüxügüarü chixexügü nax ngêma chianexüwa yawogüaxüçax.

.....

²⁹Rü ñaa tá nixi i wüxi i mu i guxügütama nagu pexíxü i pemax. Rü ngëxguma yimá 7 ya tauemaciärü 10 i ngunexüwa nanguxgu tá nixi i pexaurexü. Rü tá ípeyachaxächigüxü i perü puracüwa i guxäma i pemax i Iraétanüxügü. Rü ngëxgumarüxü tá ta nanaxügü i ngêma duüxügü i to i nachixüanecüäxgü i petanügu ächiügüxü. ³⁰Rü ngêma ngunexügu tá nixi i pexü nüxü icharüngümaxü i perü chixexügü, rü ngêmaäcü tá nixi i chopexewa pengearü pecáduäxgüxü. ³¹Rü ngêma tá nixi i wüxi i mu i guxügütama nagu pexíxü. Rü pema i ngêma ngunexügu rü tá iperüngügü rü pexauree —ñanagürü ga Cori ya Tupana.

Ngunexügü ga Tupanaarü cuaxüxü nagu naxügüxü

23 ¹Rü nüma ga Cori ya Tupana rü Moichémaxá nidexa rü ñanagürü nüxü:

.....

⁴—Ñagü tá nixi i ngunexügü i chaüxcax ípexüxüchixü i guxcüma ya taunecügu. Rü ngêma ngunexügügu tá nixi i pengutaquexegüxü nax choxü picuaxüügüxüçax. ⁵Rü yimá nüxíraxücü ya tauemaciärü 14 arü yáuanecü, rü tá chauégagu penaxüchiga i ngêma

Üpetüchiga. ⁶Rü ngëmaarü moxüãcütama rü tá chauégagu penaxü i paü i ngearü puxëëruüáxü. Rü 7 i ngunexü tá nixí i ipenangóxü i ngëma paü. ⁷Rü ngëma nüxíraxüxü i ngunexügu rü tá cháuxcax pengutaquexegü. iRü taxuxütáma i puracü pexüe! ⁸Rü 7 i ngunexü tá nixí i cháuxcax peyaguxü i perü ämaregü. Rü ngëma norü 7 i ngunexügu rü tá cháuxcax pengutaquexegü. iRü taxuxütáma i puracü pexüe! —ñanagürü ga Tupana.

**Tupanana nanaxá ga
nüxíraxüxü ga norü tríguarü o**

⁹Rü yema ñaxguwena rü nüma ga Cori ya Tupana rü Moichéxü ñanagürü:
¹⁰—Ñaa ore tá nixí i namaxá nüxü quixuxü i ngëma Iraétanüxügü: “Rü ngëxguma nagu pechocuxgux i ngëma naane i choma tá pexna chaxáxü, rü ngëxguma peyabuxgügu i ngëma perü trígu, rü tá perü chacherdótena penaxá i ngëma nüxíra pebuxuxü i norü o i ngëma trígu.
.....

¹⁵⁻¹⁶Rü ngëma ngunexü i nagu ngëma chacherdótexütawa penanaxü i ngëma nüxíra pebuxuxü i trígu i perü ämareruxü, rü ngëma ngüchigaarü ngunexüwéxaxü i ngunexüwa tá ipenaxügü nax peyaxugüxü i ngunexügü ñuxmata 50 i ngunexüwa nangu. Rü ngëmawena tá nixí i wena choxna penaxáxü i perü ämaregü i perü trígutanüwa” —ñanagürü.
.....

**Tupanaégagu nanaxüchigagü ya
naixatünaxcax ya düxenügü**

³³Rü yema ñaxguwena rü nüma ga Cori ya Tupana rü Moichéxü ñanagürü:

³⁴—iNamaxá nüxü ixu i ngëma Iraétanüxügü i ñaa ore: “Rü yimá 7 ya tauemaciüarü 15 i ngunexügu tá nixí i penaxüchigaxü nax chauégagu penaxüxü ya perü düxenügü ya naixatünaxcax! Rü 7 i ngunexü tá ngëxma nagu pepegü.
.....

⁴¹Rü wüxichigü ya taunecügu rü ngëxguma norü 7 ya tauemaciüwa nanguxgux, rü tá chauégagu 7 i ngunexü penaxüchiga nax naixatünaxcax ya perü düxenügüne pixügüxü. Rü ngëma nixí i wüxi i mu i guxügütáma nagu pexíxü, rü pexacügüwa rü petaagüwa rü tá ta naxüe. ⁴²Rü ngëma 7 i ngunexügügu rü guxáma i pema i Iraétanüxügü rü naixatünaxcax ya perü düxenügüwa tá pengexmagü. ⁴³Rü ngëmaäcü tá nixí i penegü rü petaagü i nüxü nacuaxgüxü ga yexguma Equítuanewa pexü íchanguxüxëëxgux, rü naixatünaxcax ya perü düxenügüwa nax pexü chamaxëxëëxü i pema i Iraétanüxügü. Erü choma nixí i perü Cori ya Tupana chixíxü” —ñanagürü ga Tupana. ⁴⁴Rü yemaacü nixí ga Moiché ga Iraétanüxümaxá nüxü yaxuxü nachiga ga yema ngunexügü ga Tupanacax tá ínaxüxüchigüxü.
.....

27 ³⁰—Rü ngëxguma 10 wetaü i penetüarü o pexü ngëxmagu, woo trígu rüëxna woo taxacürü orix yixí, rü wüxi rü Tupanaarü nixí, erü marü nümatama nügücax ínanaxüxüchi —ñanagürü ga Tupana.
.....